

## Morning Regional Dogri News Bulletin, 22<sup>nd</sup> June 2024

मार्निंग डोगरी न्यूज़ बुलेटिन, समे. 09-20 Hrs

<><><><><><>

### Headlines

1. प्रधानमंत्री नरेन्द्र मोदी होर बंग्लादेश दी अपनी हमरूतबा शेख हसीना हुंदे कन्नै अज्ज बैठक लांगन।
2. प्रधानमंत्री नरेन्द्र मोदी हुंदे आस्सेआ जम्मू कश्मीर गी राज्य दा दर्जा देने ते तौले गै विधानसभा चुनां करोआने आले ब्यानै दा बक्ख-बक्ख सियासी पार्टिएं सुआगत कीता ऐ।
3. उपराज्यपाल मनोज सिन्हा होरें नागरिकें दे हितें दी राक्खी लेई राष्ट्र विरोधी तत्वे गी बक्ख-बक्ख बाहरा करने आले अपने धेइयै गी फही दोहराया।
4. केन्द्र नै मकाबलेबाजी आले मतेयानें च गलत तौर तरीके ते अनियमिताएं पर रोक लाने लेई सख्त कनून बनाया ऐ।
5. उधमपुर जिले च शुरू होए दे ऐतिहासक सुद्धमहादेव मेले च सैंकड़ा बद्धे श्रद्धालुएं शिरकत कीती।

<><><><><><>

### PM-Bangladesh

प्रधानमंत्री नरेन्द्र मोदी होर अज्ज नमीं दिल्ली च बंग्लादेश दी अपनी हमरूतबा शेख हसीना हुंदे कन्नै बैठक लांगन। दवै नेता दपक्खी रिश्ते गी होर बी गति ते मजबूती देने लेई केई सारे पैहलुएं पर गल्लबात करगंन। भारत ते बंग्लादेश बश्कार केई सारे समझोते पर बी दस्तखत कीते जांगन। शेख हसीना होर 2 दिन दी यात्रा लेई कल नमं दिल्ली पुज्जियां हियां। प्रधानमंत्री हुंदे कन्नै बैठक लाने दे अलावा उंदा राष्ट्रपति द्रौपदी मुर्मू ते उपराष्ट्रपति जगदीप धनखड़ हुंदे नै मलाटी करने दा बी कार्यक्रम ऐ। विदेशख मंत्री डॉ. एस.जयशंकर होरें कल शेख हसीना हुंदे कन्ने मलाटी कीती ते केई दपक्खी मामलें पर चर्चा कीती।

<><><><><><>

### PM Yoga Message

प्रधानमंत्री नरेन्द्र मोदी होरें आखेआ जे योग बक्ख-बक्ख संस्कृतिएं ते समुदायें दे लोकें गी किट्ठे आन्नदा ऐ। उनें आखेआ जे एह बड़ी मती खुशी आली गल्ल ऐ जे नोजवान इन्नी खुशी ते लगन कन्नै योगाभ्यास च हिस्सा लेंदे न। कल इक सोशल मीडिया पोस्ट च प्रधानमंत्री होरें आखेआ जे 10मां अंतर्राष्ट्रीय योग दिवस बड़ी धूमधाम कन्नै देश दे कन्नोकन्नी बाहरले मुख्खें च मनाया गेआ। उनें पोस्ट च लोकें ते संगठनें दे सांझे जतनें दी बी सराहना कीती। उनें सब्बने लोकें दा आभार जताया जेहड़े योग दे प्रचार च अपना योगदान दिंदे न। उनें आखेआ जे इनें जतनें कन्नै एकता ते रमानदारी च बी बाद्धा होग।

<><><><><><>

### JK Election Update(bytes)

केन्द्र शासत प्रदेश जम्मू कश्मीर च विधानसभा चुनां तौले करोआए जाने सरबंधी प्रधानमंत्री नरेन्द्र मोदी हुंदे आश्वासन मगरा ते चुनां आयोग आस्सेआ मतदाता सूचिएं दी नजरसानी करने दी घोषणा दा जम्मू कश्मीर च बक्ख-बक्ख सियासी पार्टिएं सुआगत कीता ऐ। राज्य दा दर्जा परतियै ब्हाल करने आली भेठा एह इक बड्डी

गैह ऐ। चुनां आयोग नै मतदाता सूचिएं दी नजरसानी करने लेई अगले म्हीने दी पैहली तरीक क्वालीफाइंग तरीक तैह कीती ऐ। बीजेपी ते कांग्रेस दौनें एहदा सुआगत कीता ऐ। आकाशवाणी दे जिला संवाददाता अंकुश शर्मा कन्ने गल्ल करदे होई बीजेपी दे प्रवक्ता आर.एस.पठानिया होरें आखेआ.....बाईट

<><><><><><>

## LG Baramulla

उपराज्यपाल मनोज सिन्हा होरें इस गल्लै गी इक बारी फही पक्का कीता ऐ जे प्रशासन भारतीय सेना ते सब्बने सुरक्षाबल लोकें गी भलाई बेहतरी लेई ते उनेंगी सुरक्षत माहौल उपलब्ध करोआना जकीनी बनाने लेई पूरे वचनबद्ध ऐ। उनें आखेआ जे जम्मू कश्मीर खुशहाली ते तरक्की दी बत्ता पर टुरा'रदा ऐ ते सब्बने मकामी लोकें दी जिम्मेदारी ऐ जे राष्ट्रीय एकता गी होर पक्का कीता जा ते अमन ते शांति भंग करने आले समाज विरोधी तत्वे गी अलग-थलग कीता जा। उपराज्यपाल होर कल बारामुला च भारतीय सेना दे डैंगर हैरीटेज कंपलेक्स दा उद्घाटन करने परैत बोला'रदे हे। भारतीय सेना दे जवानें गी सम्मानत करदे होई ते शहीदें गी चेता करदे होई उपराज्यपाल होरें आखेआ जे एह विरासती हैरीटेज कार्नर साढे शहीद बहादुरें दे बलिदान गी चेता नुआंदा ऐ जिनें म्हेशां मुख्य दा गौरव बघाया ऐ ते एह जकीनी बनाया ऐ जे हर इक माहनु रातीं अपने घरै च बिजन कुसै डर-त्राह दे अराम कन्ने सेई सकै। उपराज्यपाल होरें लोकें गी खास करियै नोजवानें गी आह्वान कीता जे ओह विकास ते विरासत आले विजन गी अपनान तां जे समाज च इक मजबूत सांस्कृतिक तंत्र स्थापत कीता जाई सकै। एहदे अलावा उपराज्यपाल होरें जम्मू कश्मीर दी अनुमुल्ली सांस्कृतिक ते आध्यामिक विरासत गी बचाने आस्तै भारतीय फौज दी सराहना बी कीती।

<><><><><><>

## J&K ODOP

जम्मू कश्मीर च "इक जिला इक उत्पाद" पैहलकदमी कन्ने रोजगार दे मौके उपलब्ध करोआने दे नतीजे पर संदोख प्रगट करदे होई उपराज्यपाल मनोज सिन्हा होरें आखेआ जे सरकार टिकाऊ विकास ते कम्म रोजगार दे मौके उपलब्ध करोआने लेई खित्ते दी सगोसार संस्कृति ते विरासत गी ध्यानै च रखदे होई नीतिएं गी बना'रदी ऐ ते इनेंगी लागू करा'रदी ऐ। कल श्रीनगर च जम्मू कश्मीर ट्रेड शो 2024 दा उद्घाटन करदे होई उपराज्यपाल होरें कलाकारें, दस्तकारें ते बपार उद्यमिणें दी सराहना कीती। इस मौके पर उनें प्रधानमंत्री नरेन्द्र मोदी हुंदी अगुवाई च कृषि, हथखण्डी ते दस्तकारी दे क्षेत्रें च सुधार आन्नने लेई प्रदेश प्रशासन दे जतनें पर बी लोह पाई।

<><><><><><>

## CDS

चीफ ऑफ डिफेंस स्टाफ जनरल अनिल चौहान होरें आखेआ ऐ जे रक्षा क्षेत्र च अगगे बघने आस्तै स्वदेशीकरण ते आत्मनिर्भरता जरूरी ऐ। जनरल चौहान होरें नमीं दिल्ली च सशस्त्र बल बीईएमएल तालमेल सरबंधी बैठक गी संबोधत करदे होई आखेआ जे आत्म निर्भरता दा मकसद ते लक्ष्य रक्षा उत्पादन च खुदमुख्तोयारी ते रक्षा सरबंधी साजो समेयान दे निर्यात च दुनिया च अगुवाई थाहर हासल करना ऐ। इस मौके वायु सेना अध्यक्ष एयर चीफ मार्शल वी.आर.चौधरी ते सेना नौसेना दे होर दुए वरिष्ठ अधिकारी मजूद हे।

<><><><><><>

## Examination Law

केन्द्र सरकार नै इक सख्त कनून लागू कीता ऐ तां जे भर्ती मतेयानें च होने आली गड़बड़ी ते नकल बगैरा पर रोक लाई जाई सकै। इस कनून मूजब अपराधिणें गी 10 ब'रें दी जेल ते 1 करोड़ रपे जुर्माना भरना होग। अधिकारिक गजट इक अधिसूचना मूजब कार्मिक मंत्रालय नै आखेआ ऐ जे अज्जै थमां कनून दे प्रावधान लागू

होंगन। इस सिलसिले च इक बिल गी लोकसभा ते राज्यसभा च 6 ते 9 फरवरी गी पारित कीता गेआ हा ते राष्ट्रपति द्रौपदी मुर्मू होरें इस बिल गी 12 फरवरी गी मंजूरी देइयै इसगी कनून बनाया।

<><><><><><>

## BSF-DGP

बीएसएफ चंडीगढ़ (वैस्टन कमान) दे स्पैशल डीजी वाई.बी.खुरानिया होरें अपने दऊं दिने दे दौरे पर जम्मू अंतर्राष्ट्रीय बन्ने पर सुरक्षा स्थिति दा जायजा लैता। इस मौके पर उनेंगी जम्मू अंतर्राष्ट्रीय बन्ने पर सीमा सुरक्षा ते सुरक्षा स्थिति बारे तफसीली जानकारी दित्ती गई। स्पैशल डीजी होरें सांबा च बन्ने कन्ने लगदे इलाके दा दौरा लाया जित्थें उनेंगी सेक्टर कमांडर ते बटालियन कमानडेंट होरें बीएसएफ दी बार्डर पर सुरक्षा तैआरिएं बारे जानकारी दित्ती।

<><><><><><>

## Sudhmahadev Mela

उधमपुर जिले दी चनैनी तैहसील च कल्लै थमां शुरू होए दे 3 रोजा ऐतिहासक सुद्धमहादेव मेले च सैंकड़ा बद्धे श्रद्धालुएं शिरकत कीती ऐ। डीडीसी अध्यक्ष लाल चंद ते उधमपुर दियां डिप्टी कमीशनर सलोनी राय होरें मेले उदा औपचारिक उद्घाटन कीता। आकाशवाणी दे उधमपुर थमां जिला संवाददाता अचिन दूबे नै जानकारी दित्ती ऐ जे कल केई सारे श्रद्धालुएं सुद्धमहादेव मंदर च मत्था टेकेआ ते शिवें दा आर्शीवाद लैता। मेले लेई खास तौर पर इंतजामबी कीते गेदे न। आकाशवाणी कन्ने गल्ल करदे होई उधमपुर दियां डिप्टी कमीशनरसलोनी राय ते श्रद्धालु नै गलाया.....बाईट

<><><><><><>

## T-20 World Cup

मर्दे दे टी-20 क्रिकेट विश्व कप मकाबले च अज्ज संजा एंटीगुआ दे नार्थ साउंड दे सर विवियन रिचर्डस स्टेडियम च सुपर-8 च भारत ते बंग्लादेश बश्कार मैच होग। एह मैच भारतीय समें मूजब रातीं 8 बजे शुरू होग। अपने पिछले मैच च भारत नै अफगानिस्तान गी 47एं रंजें कन्ने हराया हा। अज्ज इक होर मकाबले च वैस्टइंडीज ते अमरीका बश्कार मैच खेड्डेआ जा'रदा ऐ। कल खेड्डे गेदे मैच च दक्खन अफ्रीका नै इंग्लैंड गी 7 रंजें कन्ने हराई दित्ता।

<><><><><><>

## Weather

वीरवारें रातीं बरखा बरने कारण जम्मू दे आले दुआले इलाकें च गर्मी थमां राहत थोई ऐ। जम्मू च कल्लै दा बद्धोबद्ध तापमान 35.6 डिग्री सैल्सियस जिसलै के घट्टोघट्ट तापमान 21.4 डिग्री सैल्सियस रिकार्ड कीता गेआ। उआं दक्खनी कश्मीर दे शोपियां जिले गी पुंछ ते राजौरी कन्ने जोड़ने आली पीर की गली च बी बर्फ पेई ऐ जेह्दे कन्ने कल यातायात ते गड्डिडं दी आओजाई च रूकावट पेई।

<><><><><><>

